

I. **Hámarkshraði** innan marka kaupstaðarins er 35 km/klst., þó er 45 km/klst. hámarkshraði leyfður á eftirtöldum götum:

- a) á Skagfirðingabraut frá bæjarmörkum að sunnan að Öldustíg,
- b) á Eyrarvegi frá bæjarmörkum að norðan að Kolaporti (kolageymslu K. S.),
- c) á Sæmundargötu frá bæjarmörkum að austan að Hegrabraut.

II. **Aðalbrautir:**

- a) Skagfirðingabraut, Aðalgata og Eyrarvegur,
- b) Sæmundargata, Knarrarstígur og Skólastígur að Skagfirðingabraut, með biðskyldu þar gagnvart umferð á Skagfirðingabraut.

III. **Einstefna:**

- a) á Kirkjutorgi frá suðri til norðurs,
- b) frá Skagfirðingabraut inn á Faxatorg við Búnaðarbankahús til vesturs.

IV. **Stöðvunarskylda:**

- a) af Kirkjutorgi inn á Aðalgötu,
- b) af Sævarstíg inn á Aðalgötu,
- c) báðum megin af Freyjugötu inn á Knarrarstíg og Skólastíg.

V. **Bann við bifreiðastöðum:**

- a) á Aðalgötu að vestan, við lóðir nr. 9—11,
- b) á Aðalgötu og Skagfirðingabraut að vestan frá stíg norðan Aðalgötu 1 að akstursleið á bifreiðastæði norðan Bifrastar,
- c) á Freyjugötu að austan milli Ránarstígs og Knarrarstígs,
- d) á Freyjugötu að austan milli Knarrarstígs og akstursleiðar að Bifreiðaverkstæði K. S.

Reglur þessar öðlast gildi nú þegar.

Bæjarfógetinn á Sauðárkróki, 20. september 1974.

Jóhann Salberg Guðmundsson.

G J A L D S K R Á

fyrir Rafveitu Njarðvíkur.

RAFORKA

Rafveita Njarðvíkur selur raforku á þann hátt og við því verði, sem hér segir:

1. Lýsing.

- 1. Um kWst.-mæli á kr. 20.60 hver kWst.
- 2. Um kWst.-mæli á kr. 8.10 hver kWst., auk fastagjalds er nemi kr. 103.00 á ári af hverjum fermetra gólfplatar í því rúmi er lýsa skal. Fullt fermetragjald skal greiða af gólfleti í verslunum, vinnustofum og á skrifstofum, en fyrir geymslur og ganga skal greiða kr. 31.00 af fermetra á ári.

2. Almenn heimilisnotkun.

1. Um kWst.-mæli á kr. 4.90 hver kWst., auk þess skal greiða fastagjald kr. 2.10 á mánuði af gólfplatarm. íbúðar. Leiga af einum mæli er innifalin í fastagjaldinu.

3. Vélanotkun.

1. Um kWst.-mæli á kr. 11.40 hver kWst.; hafi vélarnar mjög stuttan notkunartíma, má krefjast minnsta árgjalds kr. 3 134.00 á hvert uppsett kW vélanna.
2. Til fiskiðnaðar með fasttengdum vélum kr. 10.60 hver kWst.
3. Ef uppsett rafvélaafl fasttengdra véla við fisk-, kjöt- og mjólkuriðnað er yfir 20 kW.
 - a) Um kWst.-mæli á kr. 3.60 hver kWst., enda megi þá rjúfa strauminn í allt að 3 klst. á dag, á mesta álagstíma rafveitunnar um hádegis og síðdegis, en þó eigi lengur en $1\frac{1}{2}$ klst. í senn. Notandi kostar klukkurofa fyrir vélalagnir eða tvígjaldsmæli, sem settur er til eftirlits með að rofið sé á tilskildum tímum.
 - b) Um tvígjaldsmæli kr. 22.80 hver kWst., í $1\frac{1}{2}$ klst. á dag á tímum mesta álags rafveitunnar, en þó eigi lengur en 1 klst. í senn, en kr. 3.60 hver kWst. utan þess tíma.
4. Um mæli á kr. 5 720.00 fyrir hvert kW mesta notaðs afls á árinu, mælt sem 15 mín. meðalálag og auk þess kr. 2.10 á notaða kWst. Gjald vegna ljósanotkunar kr. 60.00 á hvern fermetra í vinnustofum, kaffistofum o. þ. h., en kr. 26.00 á hvern fermetra í vörugeymslum og annars staðar kr. 48 00.

5. Hitun.

1. Um kWst.-mæli á kr. 1.55 hver kWst., enda megi þá rjúfa strauminn í allt að 3 klst. á dag á tímum mesta álags rafveitunnar um hádegis og síðdegis, en þó eigi lengur en í $1\frac{1}{2}$ klst. í senn.
2. Um kWst.-mæli á kr. 0.80 hver kWst. í 9 klst. á tímanum frá klukkan 22 til 7.
3. Um kWst.-mæli á kr. 3.00 hver kWst., án rofs.

Önnur skilyrði fyrir raforku til hitunar.

- a) Að línur og spennar þoli álagið, að dómi rafveitustjóra.
- b) Að notandi kosti segulrofa fyrir hitalögnina.
- c) Að hitalagnir, þar með talin öll tæki, séu gerð samkvæmt fyrirmælum rafveitunnar og Rafmagnseftirlits ríkisins.
- d) Að lagðar séu fram niðurstöður útreikninga á hitaþörf þess húsrýmis, er hita skal, þegar þess er krafist.

6. Önnur raforka.

1. Raforku til suðu má selja til gistihúsa, veitingahúsa, sjúkrahúsa og annarra slíkra staða á kr. 6.60 hverja kWst., enda sé notkun mæld með sérmæli og suðutæki fasttengd.
 2. Til nota um vinnulagnir við byggingu meðan á byggingu stendur, um kWst.-mæli á kr. 12.50 hver kWst.
 3. Til bökunarofna í brauðgerðarhúsum um kWst.-mæli á kr. 2.10 hver kWst. á tímanum frá klukkan 22 til 8.30 og kr. 4.90 hver kWst. á tímanum frá klukkan 8.30 til 22.
 4. Til gatnalýsingar á kr. 7.00 hver kWst.
- Alla rafmagnsnotkun, sem ótalin er og ekki kemur undir aðra gjaldskrárliði, skal selja eftir gjaldskrárlið 1—1.

7. Mælaleigur.

Rafveitustjóri ákveður stærð og gerð mælitækja, sem nota skal fyrir hverri veitu og er sú ákvörðun skuldbindandi fyrir notandann, sem skal greiða af mælitækjum, sem hér segir:

Af einfasa mælum upp að 30 amper	kr. 25.00 á mán.
Af þrífasa mælum upp að 50 amper	— 41.00 — —
Af þrífasa mælum 50—220 amper	— 110.00 — —
Af þrífasa mælum yfir 220 amper	— 153.00 — —
Af álagstýringarliðum	— 125.00 — —

Af öðrum mælitækjum en þeim, sem nefnd eru í gjaldskránni, skal ársleiga vera sem næst 20% af verði mælitækisins.

Leiga er innheimt um leið og gjald fyrir raforku.

8. Opnunargjöld.

1. Hafi gjald samkv. gjaldskrá þessari eigi verið greitt svo að til lokunar hafi komið fyrir veituna, skal taka gjald fyrir enduropnun kr. 750.00.
2. Ef fundin eru við skoðun óleyfileg eða of stór vör, skal veitunni lokað tafarlaust, og verður hún eigi opnuð aftur fyrr en notandinn hefur greitt kr. 750.00 á skrifstofu rafveitunnar.
3. Verði raforkunotandi uppvís að notkun raforku án mælingar, skal hann sæta ábyrgð skv. lið nr. 2, nema þyngri refsing liggi við.

9. Heimtaugargjöld.

Rafveitustjóri ákveður stærð og gerð heimtaugar og/eða spennistöðvar fyrir hverja húsveitu. Umsækjandi heimtaugar skal gera grein fyrir væntanlegri notkun húsnæðis og helstu raforkunotkun, jafnframt leggja fram raflagnateikningar. Ein heimtaug er lögð að hverri lóð (hverri eign) og skal greitt heimtaugargjald af hverri heimtaug (spennistöð) yfir allt að 15 metra. Jarðstrengsheimtaug frá jarðstrengskerfi og allt að 30 metra. Loftlínuheimtaug frá loftlínukerfi samkvæmt eftirfarandi töflum:

Gjald- skrár- liður	Málstraumur stofnvara			Heimtaug- argjald kr.
	í 3×220 V kerfi amper	í 3×380 V kerfi amper	kVA	
1.	2×60	1×100	13	18 440.00
2.	3×60	2×60	22	24 020.00
3.	3×100	3×60	38	34 440.00
4.			50 sp.	40 800.00
5.		3×100	66	56 830.00
6.	3×200	3×125	75	68 890.00
7.		3×200	100 sp.	81 580.00
8.	3×350	3×300	132	113 100.00
9.			150 sp.	129 700.00
10.			200 sp.	163 180.00
11.	3×350	3×350	231	184 610.00
12.			300	259 500.00
13.			500	433 550.00

sp. = spennir.

Rafveitan leggur ekki jarðlínuheimtaugar að húsum á þeim tíma árs, sem frost er í jörðu. Lengd heimtaugar reiknist frá lóðarmörkum við götu stystu leið að var-

kassa í útvegg. Teljist hagkvæmara að hafa kassa á innvegg, skal leita samþykkis rafveitustjóra um gerð og frágang pípu, sem strengurinn verður dreginn í.

Sé jarðlínuheimtaug lögð frá loftlínu (samkv. ósk heimtaugarbeiðanda) skal lengd heimtaugar reiknuð frá loftlínustólpa að inntakskassa, en skeri heimtaugin akbraut, skal breidd akbrautar dregin frá. Yfirlengdargjald jarðstrengs reiknast á hvern metra umfram fyrstu 15 metra þannig:

$Y_j = (312 + kVA)$ kr./m. Yfirlengdargjald loftlínu reiknast á hvern metra umfram fyrstu 30 metra þannig: $Y_l = (62 + 3 kVA)$ kr./m að viðbættum kr. 8 550.00 á hvern staur í umframlengd. Sé bráðabirgðaheimtaug lögð í vinnuskúr eða hús í byggingu, er greitt fyrir hana eins og hér segir:

60 amper einfasa	kr. 4 530.00
60 amper þrífasa	— 5 430.00

Séu aðstæður þannig, að kostnaður við lagningu bráðabirgðaheimtaugar verði óeðlilega hár, má taka gjald fyrir hana samkvæmt kostnaði. Telji rafveitustjóri að auka þurfi flutningsgetu heimtaugar eða spennis, skal notandi greiða mismun, samkvæmt gjaldskrá. Sé nauðsynlegt eða hagkvæmara að setja upp spennistöð að mestu eða öllu leyti vegna eins notanda, skal hann leggja lóð og/eða húsnaði fyrir spennistöðina, eftir því sem hagkvæmara þykir að dómi rafveitustjóra vegna staðsetningar stöðvarinnar. Þegar húsnaði er lagt til, skal það fullnægja settum skilyrðum um gerð húsa spennistöðva að dómi rafveitustjóra. Eðlilegur kostnaður notanda við gerð húsnaðis fyrir spennistöðina greiðist af rafveitunni í leiguformi t. d. fyrir lengri tíma — kemur þannig til frádráttar heimtaugargjaldi.

Gjaldskrá þessi gildir í skipulögðum hverfum. Sé um óskipulagt hverfi að ræða eða aðstæður óeðlilegar, skal greiða heimtaugargjald samkv. kostnaðarreikningi. Heimtaugargjald skal greitt við umsókn.

10. Ýmis ákvæði.

Söluskattur og viðlagasjóðsgjald, skv. núgildandi ákvæðum þar um, er innifalið í gjaldskrá þessari, nema af raforku til húshitunar. Rafveitunni er heimilt að hækka og lækka gjöld, sem ákveðin eru í 1. til. 6. lið gjaldskrár um allt að 20% án sérstakrar staðfestingar ráðuneytis, enda sé breytingin auglýst í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum nr. 15 20. júní 1923 og Orkulögum nr. 58 29. apríl 1967, til þess að öðlast gildi þegar í stað og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá nr. 42 7. febrúar 1974.

Iðnaðarráðuneytið, 30. september 1974.

F. h. r.

Árni Snævarr.

Jóhannes Guðfinnsson.